

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-5296/26-2  
Sarajevo, 08.5.2026. godine

Na osnovu člana člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

**ODLUKU O PONIŠTENJU POSTUPKA JAVNE NABAVKE**  
**Izvođenje radova na izradi i obnovi saobraćajne signalizacije na području Općine Novi Grad Sarajevo**  
**LOT 2**

**I**

Prihvata se preporuka Komisije za javnu nabavku radova i poništava se postupak javne nabavke - Izvođenje radova na izradi i obnovi saobraćajne signalizacije na području Općine Novi Grad Sarajevo – LOT2, broj obavještenja 422-1-3-54-3-77/26 objavljeno na Portalu javnih nabavki BiH dana 09.3.2026.godine i u “Službenom glasniku BiH” – Oglasnik javne nabavke broj 20/26 od 13.3.2026. godine, obzirom da nijedna od zaprimljenih ponuda nije prihvatljiva.

**II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

**Obrazloženje**

Odlukom broj 02/12 19 5296/26 od 05.3.2026. godine Općina Novi Grad Sarajevo pokrenula je otvoreni postupak javne nabavke - Izvođenje radova na izradi i obnovi saobraćajne signalizacije na području Općine Novi Grad Sarajevo – LOT2, broj obavještenja 422-1-3-54-3-77/26 objavljeno na Portalu javnih nabavki BiH dana 09.3.2026.godine i u “Službenom glasniku BiH” – Oglasnik javne nabavke broj 20/26 od 13.3.2026. Procijenjena vrijednost za predmetnu nabavku iznosi 119.276,58 KM bez PDV-a, odnosno 139.553,60 KM sa PDV-om.

Zapisnikom o otvaranju ponuda od 30.3.2026. godine Komisija je konstatovala su dostavljene dvije ponude u roku ostavljenom za dostavljanje istih i to:

1. „Buljan Ceste“ d.o.o. Kreševo
2. „Sacom“ d.o.o. Ilijaš

Zapisnik sa otvaranja ponuda dostavljen ponuđačima na fax/mail u zakonskom roku.

Nakon što je Komisija utvrdila da su pristigle dvije ponude pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je konstatovala da dostavljena ponuda ponuđača „Buljan Ceste“ d.o.o. Kreševo ne ispunjava kvalifikacione uslove tražene u tenderskoj dokumentaciji iz tačke 3.4.1. c) tehnička i profesionalna sposobnost – da je ponuđač opremljen neophodnom mehanizacijom i opremom za obavljanje predmetnih radova, što se dokazuje tačkom 3.4.2. pod d) gdje stoji da se kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamion se dostavlja ovjerena kopija važeće saobraćajne dozvole, za radne mašine ovjerena kopija važeće saobraćajne ili upotrebne dozvole (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje ( original ili ovjerena kopija).

Uvidom u dostavljenu ponudu ponuđača „Buljan Ceste“ d.o.o. Kreševo, Komisija je konstatovala da je ponuđač na strani 37.ponude dostavio Zapisnik broj 01-06/22-XXI za Stroj za izradu uzdužnih i poprečnih oznaka horizontalne

signalizacije bojom. Komisija je konstatovala da dostavljeni zapisnik nije ovjeren. Ponuđač je na strani 38. ponude dostavio Upotrebnu dozvolu broj 198-07/25-X za navedenu radnu mašinu gdje je vidljivo da broj dostavljenog zapisnika i uporebne dozvole ne odgovaraju, te je Komisija konstatovala da ponuđač nije ispunio traženi uslov.

Iz naprijed navedenih razloga utvrđeno je da je ponuda ponuđača „Buljan Ceste“ d.o.o. Kreševo ne ispunjava uslove tražene u tenderskoj dokumentaciji iz tačke 3.4.2. pod d) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno ponuda je nepravilna.

Nadalje, Komisija je pristupila analizi dostavljene ponude ponuđača „Sacom“ d.o.o. Ilijaš te je konstatovala da dostavljena ponuda ponuđača ne ispunjava kvalifikacione uslove tražene u tenderskoj dokumentaciji iz tačke tačke 3.4.1.c) tehnička i profesionalna sposobnost – da je ponuđač opremljen neophodnom mehanizacijom i opremom za obavljanje predmetnih radova, što se dokazuje tačkom 3.4.2. pod d) kao dokaz se dostavlja izvod iz knjige osnovnih sredstava(sa označenom pozicijom opreme) ili ugovor o iznajmljivanju opreme (original ili ovjerena kopija), za kamione se dostavlja ovjerena kopija važeće saobraćajne dozvole, za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje ( original ili ovjerena kopija).

Uvidom u dostavljenu ponudu ponuđača „Sacom“ d.o.o. Ilijaš Komisija je konstatovala da je ponuđač na stranama 32 i 37. ponude priložio ovjerene kopije važećih upotrebni dozvola za mašine za izradu uzdužnih i poprečnih oznaka horizontalne signalizacije bojom za puteve. U predmetnim upotrebni dozvolama nisu dati podaci koji bi dokazali da je kompresor sastavni dio mašina, a navedenom tačkom tenderske dokumentacije jasno je navedeno da ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija), a sve u smislu da li ista može biti dokaz da ponuđač posjeduje ili iznajmljuje mehanizaciju ili opremu koja je tražena tenderskom dokumentacijom. Na osnovu gore navedenog Komisija je konstatovala da ponuđač nije ispunio traženi uslov.

Iz naprijed navedenih razloga utvrđeno je da je ponuda ponuđača „Sacom“ d.o.o. Ilijaš ne ispunjava uslove tražene u tenderskoj dokumentaciji iz tačke 3.4.2. pod d) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno ponuda je nepravilna.

Na osnovu navedenog u skladu sa odredbom člana 69. stav (2) tačka d) Zakona o javnim nabavkama odlučeno je kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Služba za zajedničke poslove
2. Komisija za javne nabavke radova
3. U spis

